




## ŠKOLSKA OSUDA PUSTA NEDELAVIĆA 2017.

Na samem početku kot i vavek vas seh najlepše pozdravljamo  
i dokle se si ovako lepo zabavljamo  
red je da i ov put odbavimo ča se mora storit –  
osudimo Pusta za se loše ča je bilo va pasanen lete  
aš je to naša stara užanca i durat će dokle god nas bu na svete!

Naš ovoletnji Pust Nedelavić kriv je:

ča je tata sako jutro po ulice z autom od gužve komać do škole doplazel,  
ča nan je mačku auto zgazil,  
ča smo loše ocjene dobili  
za se dane ča smo bolni bili  
i ča na izlete nismo više hodili.

Krivimo ga i zato ča tjelesni opet nismo mogli više od pol leta delat va dvorane,  
za so grdo vreme kad se ne moremo igrat po vane,  
kad se mama jadi i kad je loše volji




i ča nan učitelji nisu manje nervozni i bolji.

Kriv je ča se saki dan moramo rano stat  
i za se zadaće ča ih z dana va dan moramo pisat.

Kriv je ča nan još vavek pod zaprte poneštre puše,  
ča se va nekeh razredih pak od tepline guše,  
ča nan krov i dalje pušća za sakega dažja  
i ča na skoro saken sate zakaže ona tehnika vražja.

Ča nan i dalje pucaju cijevi,  
i razbijaju stakla po škole;  
ča nan baje pred školun gore  
i zato ča lift va škole i dalje ne vozi ni dole ni gore.

Glavni je krivac ča za knjižnicu celo leto nismo mogli nabavit nove knjigi,  
ča nan pol sredstav za projekte nisu uplatili,  
ča i dalje va pol škole nimamo kompjuteri i projektori ki delaju  
i ča va e-imenik saki dan i mat i otac komotno od doma gledaju.

A decorative border of colorful balloons (blue, pink, orange) with black strings, framing the text on all four sides.

Zato ćemo Pusta i ov' put vaŕgat,  
a k letu ćemo se ponovo nać  
pa videt će se morda dotad  
ća promenit na bolje  
da se ovo finimo malo bolje volje.

*Autori:*

Krešmir Bravić, Nensi Lesica (4.b)

*Mentor:*

*Nensi Čargonja Košuta, prof. i dipl.bibl.*

*(šk. knjiŕničar)*